

TOLOSA lo 30 d'abriu de 2010 – N°6

la letra deu director, p 2.

l'eveniment, p 3.

lo centre Roquegude, p 6.

tot en òc, p 7.

Lo labèl òc per l'occitan, p 8.

Lo service de l'emplec, p 9.

L'occitan qu'es aquò, p 9.

lo cercle deu trimestre, p 10.

l'agenda, p 11.

los contactes, p 15.

las emissions de ràdio, p 17.

los sitis Internet de l'IEO, p 18.



Dab l'ajuda de :

INSTITUT D'ESTUDIS OCCITANS, Seccion Regionau Mieidia-Pirenèus

Ostal d'Occitània

11 carrièra Malcosinat,

31 000 Tolosa

09 62 56 09 91

06 82 23 44 55

ieom-pireneus@ieo-oc.org



UA PAUSA D'ESPER.

Plan segur, lo gran eveniment d'aqueste prumèr trimèstre de 2010, qu'estó las eleccions regionaus. Augan, e mes que de costuma, l'occitan constituí un tèma de campanha vertadèr...

...D'ara enlà, qu'esperam que la mandatura que vien representarà ua seguida duradissa de la dinamica de l'annada passada e deu sué creish deu budget de l'occitan e de las subvencions a la red de l'IEO...

...Dab lo cambiament d'estatut, l'IEO regionau que regulariza la sua situacion respècte a la federacion de l'IEO e se dona representativitat màger.

Lo trimèstre passat qu'estó plan important entà l'occitan e l'IEO en Mieidia-Pirenèus.

Plan segur, lo gran eveniment d'aqueste prumèr trimèstre de 2010, qu'estó las eleccions regionaus. Augan, e mes que de costuma, l'occitan constituí un tèma de campanha vertadèr. L'interpellacion deus elegits per la coordinacion occitana de Mieidia-Pirenèus concretizè un tribalh deus bèths (coordinat per l'IEO regionau) que desboquè sus ua presentacion publica deus engatjament en matèra de politica lingüistica (dab la representacion de las listas principaus e de dus caps de lista). Que podem salutar lo seriós de las responsas donadas, responsas argumentada, chifradas e sovent ambiciosas.

D'ara enlà, qu'esperam que la mandatura que vien representarà ua seguida duradissa de la dinamica de l'annada passada e deu sué creish deu budget de l'occitan e de las subvencions a la red de l'IEO. En efèit, en considerar las subvencion donadas a las seccions departamentaus e locaux, qu'observam un creish deu sosten financer de la region de mes de 17%.

La prumèra cession obèrta a las associacions de l'Amassada (conselh de desvolopament de la lenga occitana en Mieidia-Pirenèus) representè un aute moment important entà l'occitan dens la region. L'idea d'aquera Amassada qu'ei de hargar ua vertadèra politica publica en collaboracion dab los departa-

ment l'Estat (DRAC) de las granas villas.

L'amassada que deuré constituir ua aisina entà coordinar las accions entà l'occitan de las collectivitats e perméter de hèr despegar los budgets de l'occitan au nivèu de quauques departaments.


Dens aqueth esperit, l'IEO regionau ensagè de tornar establir ua collaboracion dab la direccion regionau deus ahèrs culturaus (DRAC) e depausè un dossier de subvencion de 10 000 € (basat sus ua ajuda a la comunicacion de la seccion regionau e un sosten aus navèths cors professionalizats de l'ensem de la red).

Respècte a çò que pertòca lo foncionament de l'IEO regionau, l'amassada generau deu 3 d'abrii passat representa un moment important entà l'IEO MP. Dab lo cambiament d'estatut, l'IEO regionau que regulariza la sua situacion respècte a la federacion de l'IEO e se dona representativitat màger. Atau, lo CA navèth de l'IEO regionau qu'ei constituit de representants de las seccions departamentaus e representants dirèctes deus aderents. En procedint a aquera obertura, que volèm acordar ua navèra plaça dens las decisions aus cercles e au monde que hen l'IEO au quotidian.

Entà acabar, que tornam rebrembar a totas las associacions de la red qu'augan calerà absolutament modificar los estatuts se hè necèra entà estar plan confòrme dab los estatuts federaus.

L' EVENIMENT : "LOS METÒDES INTERACTIUS".

De CD-Roms per aprene l'occitan



Quicòm de nòu per totes, pichons o grands, que vòlon aprene la lenga : dos metòdes interactius d'aprendissatge de l'occitan.

A l'iniciativa d'Eurotalk, la seccion d'Arièja de l'Institut d'Estudis Occitans trabalhèt a la version occitana de dos CD-roms qu'espeliguèron fa pas gaire: lo *Vocabulary builder occitan*, pels dròlles de 4 a 12 ans, e lo *Talk now ! occitan* pel monde que començan. Un biais ludic d'aprene las basas de la lenga nòstra.

Eurotalk, qu'es aquò ?

Aquesta societat anglesa produís dempuèi d'annada de metòdes d'aprendissatge de las lengas, de dictionaris interactius, de disques, de vidèos... A l'ora d'ara, son catalòg concernís mai de 120 lengas del monde tot (bulgar, italian, japonés, quechua, romanés, catalan, turc, indi, etc.) Amb la volontat d'alargar son ofèrta, contactèt fa quelques meses l'Institut d'Estudis Occitans d'Arièja per desenvolver dos metòdes interactius per l'occitan e tanben la version en lenga nòstra d'autres disques per l'aprendissatge de l'anglés, del basc, del breton, del catalan o encara de l'esperanto. L'Institut d'Estudis Occitans d'Arièja foguèt encargat de la revirada

de totes los elements d'aquestes disques e dos sòcis (Patrici Pojada e Claudina Ribèra-Solha) prestèron sas voses pels enregistraments.

Lo Talk now ! occitan


Un metòde simple e plasant pels debutants que vòlon aquesir las basas de la lenga. Plan de gents, a mai se n'an enveja, se pensan qu'aprene una lenga novèla serà per eles tròp pesuc, que se veson pas a tornar « a l'escòla », a far seguidas de leiçons e d'exercicis, etc. Lo principi del *Talk now !*



es justament de prepausar un aprendissatge

diferent de las causas plan escolaras, sovent penosas pel monde. La lenga s'anima, en plaça d'exercicis, se tròban jòcs que permeton d'amassar punts per atal mesurar los progrèsses e mai obténer de diplòmas.

Aqueste CD-Rom permet d'aprene a comprene e a parlar pro plan per escambiar simplament dins de situacions de la vida vidanta. S'i aprenon las primièras nocions : salutations e expressions essencials a la comunicacion, a se situar dins lo temps e dins l'espaci, a pausar de questions simplas e





a respondre sus de besonhs comuns coma lo manjar. Los objectius son simples e se capita lèu amb una seria d'activitats lingüisticas ont s'apren de vocabulari novèl, melhor memorizat mercé a d'imatges. Una foncion d'enregistrament vos permet tanben de trabalhar l'oral en comparant vòstre prononciacion a la d'un locutor.

Pel mainatges : lo *Vocabulary Builder occitan*



Concebut pel dròlles de 4 a 12 ans, aqueste metòde es agraui e aisit d'utilizar. Un logicial educatiu, que lo dròlle a pas besonh de saber legir per se'n poder servir, que totas las activitats se fan oralament amb l'ajuda d'imatges. Permet d'aprene de mots e de frases de basa en jogant amb las colors, las chifras, los mestiers...

Tres seccions per progressar :

- Aprene las unitats de vocabulari illustradas, amb un enregistrament audiò de la prononciacion.
- Tres jòcs de memòria ont pauc a pauc lo nivèl de dificultat augmenta.

Aquesta fasa permet de plan reconéisser e encapar los mots.

- Un programa permet per la darrièra activitat de s'enregistrar per melhorar la practica orala. Lo dròlle pòt tanben imaginar son

istòria a el, enregistrar e gaitar puèi son filmet ; a la fin ausís monde que pican dins las mans per lo felicitar. L'efièit es motivant e dona de vam per tornar començar !

S'aqueles CD-Roms per aprene l'occitan son una novetat, l'Institut d'Estudis Occitans d'Arièja a tanben trabalhat a d'autres metòdes, aqueste còp pel monde que ja parlan occitan e que se voldrián iniciar a d'autras lengas. An atal espelit CD-Roms pels debutants tot en occitan per aquesir las nocions elementàrias en cinc lengas : *Parlatz breton, Parlatz basc, Parlatz catalan, Parlatz esperanto e Parlatz anglès.*

Per ne veire mai, se pòt anar sul siti internet d'Eurotalk : www.eurotalk.com. Amai d'informacions sul trabalh menat per l'entrepresa e d'un catalòg, s'i trapa una mapa interactiva de las lengas del monde (que demandariá pr'aquò quelques correccions...) e una unitat de ressorsas agratis per aprene quelques mots dins totas las lengas prepausadas dins sos metòdes per la societat e ensajar atal çò que trobaretz pels disques.

En esperant de los vos presentar se pòdon trobar aquestes CD-Roms directament a çò d'Eurotalk o en contactant l'Institut d'Estudis Occitans d'Arièja a : Ostal Occitan 93 carrièra Major (rue G.Peri) 09100 Pàmias, 05 61 69 60 96 ieo09@ieo-oc.org

Camilha Bilhac-Lassale



Serada de presentacion dels metòdes
euroTalk interactive en Occitan.

Lo 18 de mai, l'IEO d'Arièja e la seccion regionala de l'IEO Mieidia Pirenèus vos convidan a la presentacion dels metòdes d'aprendissatge EuroTalk en occitan.

Ara l'aprendissatge de l'occitan e d'autras lengas, de manèra interactiu, es possible.

Venètz assistir a la presentacion d'aqueles metòdes :

lo 18 de mai a 6 oras del ser

a l'Ostal d'Occitània de Tolosa

11 carrièra Malcosinat

31000 Tolosa

Se podètz pas venir a aquera presentacion, podètz passar comanda d'aqueles metòdes au près de l'IEO d'Arieja : 05 61 69 60 96 o ieo09@ieo-oc.or

LO CENTRE OCCITAN ROCHEGUE

Lo Centre Occitan *Rochegude* (COR) dobriguèt las siás pòrtas aquel dissabte 27 de març de 2010.

La Comuna d'Albi met a la siá disposicion l'ala drecha de l'Ostal *Rochegude*.

Al plen pè, doas pèças seràn consagradas a las activitats abitualas : cors d'occitan per adults, talhièrs de cant, de convèrsa, de literatura, exposicions, conferéncias... E s'es possible a activitats nòvas (teatre, contes...).

A l'estança, en mai de que servirà de burèu, doas autras pèças permetràn la consulta dels documents de trabalh conservats e la recèrca en diversès domenis de la lenga e de la cultura occitanas

Lo Centre Occitan *Rochegude* (COR) dobriguèt las siás pòrtas aquel dissabte 27 març de 2010.

La Comuna d'Albi met a la siá disposicion l'ala drecha de l'Ostal *Rochegude*. Al plen pè, doas pèças seràn consagradas a las activitats abitualas : cors d'occitan per adults, talhièrs de cant, de convèrsa, de literatura, exposicions, conferéncias... E s'es possible a activitats nòvas (teatre, contes...).

A l'estança, en mai de que servirà de burèu, doas autras pèças permetràn la consulta dels documents de trabalh conservats e la recèrca en diversès domenis de la lenga e de la cultura occitanas : literatura, lingüística, practica de la lenga, istòria... Las activitats regularas son destinadas als aderents de l'associacion, la consulta e l'investigacion son prepausadas a totes, a estudiants o a erudits, a professionals o a afogats. Dels escolans e estudiants seràn aculhits.

A l'ora d'ara, portam d'accions a collaboracion amb las escòlas bilinguas, la calandreta, la seccion bilingua del collègi *Bellevue*. Desiram qu'aquelas collaboracions sián agrandidas.

En essent prè de l'Universitat *Champollion*, esperam que d'estudiants utilizaràn aqueles servicis. D'autra part, contunharem la collaboracion amb la Mediatèca Pierre Amalric e lo fons de granda qualitat, amb l'Archiu Departamental...

Vaquí qualques ans, s'es dobèrt a Tolosa de Lengadòc l'Ostal d'Occitània e carrièra del Taur s'es installat lo Centre de Recèrcas Occitanas e Meridionalas. En Abril de 2010 serà inaugurat l'Ostal Joan Bodon a Crespín, prè de Naucelle. Lo Centre Occitan *Rochegude* se tròba sus aquel ais.

L'associacion «Centre Cultural Occitan d'Albigés», que pòrta lo projècte Centre Occitan *Rochegude*, Es lo cercle local de l'Institut d'Estudis Occitans. Contunharem de trabalhar amb los cercles vesins : Carmaux, Lisle Sur Tarn, Castres, e amb l'Institut d'Estudis Occitans del Tarn installat a Reialmont. Demorèrem un vintinat d'annadas als locals del Grifol, davant lo Pont Vièlh. Los proprietari e d'autras associacions amigas an lo projècte d'installar en aqueles locals una antena orientada cap a l'economia, lo torisme e activitats socialas orientadas cap a la transmission de la lenga occitana. Ja en Bretanha, dins lo País de Gala, existisson centres preocupats per la transmission de la lenga.

Per mai d'entre-senhas podetz contactar :

lo CENTRE OCCITAN ROCHEGUE

Ostal Rochegude

28, carrièra Rochegude - Albi

mail : logrifol@wanadoo.fr

UNA ASSOCIACION NOVÈLA, AFILIADA A L'IEO.

Lo projècte es ambiciós, l'estructura se fixa coma objectiu de poder prepausar totes los espleches electronics e informatics possibles en lenga occitana...

L'associacion se destina a trabalhar en contacte e en collaboracion amb las grandas associacions occitanas (CREO, IEO, Calandretas, FELCO, OCBI...) e las institucions occitanas coma lo CIRDOC, l'INOC, Convergència occitana o lo CROM.

Trabalharà tanben amb las associacions de promocion dels logicials liures e los autres organismes de traduccion de logicials

Se volètz aderir :
totenoc@gmail.com

Nòstre site internet :
www.totenoc.org

Tot en òc
Ostal d'Occitània
11, carrièra Malcosinat
31000 Tolosa

Dempuèi maitas annadas, d'un biais totalament benevòl e autonòm, qualques contributors participan a mantun projècte collaboratiu de traduccion d'espleches informatics e de logicials en occitan : Wikipèdia & los projèctes de la wikimedia foundation (Wikiccionari, Commons...), Launchpad (traduccions per Linux), Pootle (traduccion d'Openoffice)...

Parallèlament, d'iniciativas que la tòca n'es d'afortir la preséncia de la Lenga Nòstra e de provesir de produches culturals traduchas son presas : Sostitolatge de filmes, mesa en linha d'un diccionari, Creacion de forums...

La volontat de balhar a cadun, un accès a las ressorsas e als logicials liures, la conviccion que la preséncia de l'occitan sus internet a favorís sa visibilitat e son aprendisatge nos menèron a pensar qu'una estructura adaptada permetriá de melhor coordinar los projèctes e de fixar de prioritats, d'organizar e finançar una melhora publicitat per çò efectuat, d'afortir la preséncia e la visibilitat de l'occitan sul malhum, d'assegurar le perenitat de las traduccions e la possibilitat sistematica de lor mesa a jorn. Nos semblèt important, tanben, de poder aplicar largament las preconizacions lingüisticas dels organismes de referéncia d'un biais omogèn e coerent per poder prepausar d'espleches amb una qualitat de lenga satisfasenta e, per poder afavorir la preséncia e la valorizacion de totes los dialèctes per qu'a tèrme, los espleches fo-

guèssen disponibles dins totas las variantas de l'occitan.

Aquela estructura foguèt creada lo 10 d'abril de 2010, a Tolosa. Es una associacion francesa segon la lei de 1901. Aquela associacion a rebut un bon acuelh de la part de l'Institut d'Estudis Occitans e s'es afiliada a son malhum.

Lo projècte es ambiciós, l'estructura se fixa coma objectiu de poder prepausar totes los espleches electronics e informatics possibles en lenga occitana : sistèmas operatius e logicials, interfàcias de televisions o telefonet, versions e interfàcias occitanas de sites internet, blogs, rets socialas, chats e forums de discussion.

L'associacion se destina a trabalhar en contacte e en collaboracion amb las grandas associacions occitanas (CREO, IEO, Calandretas, FELCO, OCBI...) e las institucions occitanas coma lo CIRDOC, l'INOC, Convergència occitana o lo CROM. Trabalharà tanben amb las associacions de promocion dels logicials liures e los autres organismes de traduccion de logicials, en particular amb los que partèjan son interès per las lengas minorizadas.

La coordinacion dels diferents projèctes e la definicion de las prioritats son en discussion.

Cédric Valmary



Com ac sabetz, la tòca deu labèl qu'ei de comunicar sus las empresas que tribalhan o que volèn tribalhar dens la lenga. Lo labèl "Òc per l'Occitan" que vòu participar a l'espandiment de l'occitan au-deguens de l'economia.

"Lo Diari" a la voluntat de dar mes de visibilitats a las accions sencèras deu hialat IEO en region. Que'ns sembla donc important d'integrar dens la nosta revista ua rubrica consagrada au labèl.

Atau, comptar d'aquesta numèro, "Lo Diari", que harà ua plaça au labèl "Òc per l'Occitan" entà que'ns presente las empresas recentament labellizadas.

Lo Matin Musical :

Musica - Comèrcis diverses
Aquela botiga de musica se tròba a Moissac dempuèi 30 ans.

Piou e Dede Calvet son los responsables. Lo dròlle Geraud trabalhava amb elis dempuèi 10 ans quand decidiguèt de prene son envòl. Thierry Merle lo remplaça. Geraud dubriguèt doncas en 2007 son Music en Zone ont òm pòt trobar, baterias, sonorizacion, lum, e tota la musica electrica. Matin Musical contunha amb tot çò qu'es acotic: guitarras, violons, pianòs e un fum d'instruments pas totjorn aisits a trobar endacòm : dulcimer, dobros, resonators, cherokee, caron, bendir, minitang etc... e tant e tant d'autras plan polidas causas.

En mai de la venda, lo Matin Musical prepausa una sala de concèrts que s'apèla l'Amfi, ont se fan d'encontres, de conferéncias, de presentacions de libres, d'estagis, cada prumièr divendres del mes un concèrt, e de còps que i a tanben lo second dissabte.

Òm se pòt edificar en anant sus www.matinmusical.com. Òm pòt encara s'assabentar de las accions d'aquela equipa sus [andrecalvet.com](http://www.andrecalvet.com), o ben escotar quauques tròces de musica sus : <http://www.myspace.com/andrecalvet>.

Lo Matin Musical es dubèrt de 10 oras a 12 oras 30 e 3 oras a 7 oras del vèspre (M M J V S) e tanben lo

dimenge matin de 10 oras 30 a 12 oras 30.

Adreça : 8, carrièra de la Republica, 82 000 Moissac

Telefòn : 05 63 04 96 71

Siti : www.matinmusical.com

Olivier Mantèl Flahaut :

traduccion simultanèa, reviradas, 9 carrièra de la Trelha, 31550 CINTÉGABELLE.

Nivèl 3 : Aicí l'occitan es pertot

Michel FREJABISE :

animacion evenimentiala, 9 carrièra dels Mimosàs, 81160 SAINT JUERI.

Nivèl 3 : Aicí l'occitan es pertot

Les Paulinetoises :

fromatges de craba, 81250 PAULINET,

Nivèl 2 : Aicí parlam occitan.

Manoir de l'Emmeillé (de l'ame-tlièr) :

vinhairons del galhagués, 81140 CAMPANHAC,

Nivèl 2 : Aicí parlam occitan.

Domaine Carcenac le Jauret : vinhairons del galhagués, 81600 MONTANS.

L'artisan pastelhièr : produches per las arts, la pintura e la decoracion, plan segur color pastèl botiga az Albi, 5 carrièra Puèch Berenguièr.

Nivèl 1 : Aicí l'occitan nos agrada.

Lo certificat Òc per l'occitan es una iniciativa de l'Ofici per l'occitan en partenariat amb l'Institut d'estudis occitans.

Ofici per l'occitan

11, carrièra Malcosinat

31000 Tolosa

05 63 45 10 17 - 06 87 70 42 29

ofici@occitan-oc.org

LO SERVICI DE L'EMPLEC

servici de l'emplec

Animator/animatrix

Sector d'activitat : Informacion / comunicacion / edicion

label nivèu òc : Mestresa correnta

Mission : Que cercam entà Aush una persona end'ajudar a l'organizacion de las activitats culturau, animar talhèrs de lenga e teatre. La persona qu'aurà la capa-

citat de formar un public d'animators de centre de léser a la lenga occitana de Gasconha (iniciacion).

Tipe de contracte : cdd

Nivèl d'estudi desirat : Non precisat

Experiéncia demandada : Non precisada

Departament d'emplec : Gèrs

Vila d'emplec : Aush

Contactar l'IEO-32,

05 62 61 88 08

naveras.d-aci@wanadoo.fr

L'OCCITAN QU'ES AQUÒ?



L'occitan... Qu'es aquò ? Una novèla parucion per 2010.

Aprèp doas edicions capitadas, que los estòcs son totes distribuïts, una novèla version de *L'occitan... Qu'es aquò ?* va paréisser per l'estiu.

Dins un format mai pichòt, la brocadura dins sa novèla formula serà tanben plan mai espèssa. Comptarem un ochantenat de paginas de A5.

Una bona part del document serà totjorn consagrada a d'informacion e sensibilizacion a la lenga e cultura occitanas. I podrem legir un pauc mai de lenga, amb per exemple las frases essencials de la vida vidanta dins los diferents dialèctes occitans.

La segonda partida del document compren l'annuari 2010 del label *Òc per l'occitan*, l'annuari dels professionals que trabalhan a la valorizacion de l'occitan dins


l'economia. Originaris d'Occitània tota, son ara mai de 160 presents dins lo document.

Una difusion bela serà facha dins oficis de torisme, luòcs d'acuèlh de tota mena, al prèp dels labellizats e del malhum occitan. Çò que permetrà de far conéisser e desvelopar lo label.

Los legeires, novicis o occitanofòns, podran pensar un torisme, crompas o restauracion en poder charrar, ausir e legir l'occitan. 130.000 exemplars seràn estampats en francés, mas tanben en castelhan e en anglés per s'adreçar a toristas, catalans e araneses.

Pensatz tre ara de comandar d'exemplaris per ne far la difusion.

L' IEO del Vilafrancat



IEO del Vilafrancat.

Contactes :

05.65.45.56.04

jaconet.oc @wanadoo.fr

Creat en 1973, l'IEO del Vilafrancat es la seccion locala de l'IEO-12 mas sas activitats s'èran fondudas dins l'encastre del F.E.Pde Vilafranca.

Un vam novèl es arribat amb l'organizacion del Festival de las Musicas Tradicionals en 1986 sus Najac (2 ans) puèi sus Vilafranca. Dempuèi 1994 amb la creacion de la Setmana occitana del Vilafrancat la musica e la lenga son sortidas de la Sala de las Fèstas per animar lo mercat, la carrièra, la bibliotèca e d'autres luòcs. Puèi la Setmana s'es mudada en Setmanas sus tota la mesada de febrèr amb un quizenat d'animacions sus Vilafranca e los vilatges vesins.

En 1982 una convencion amb la comuna de Vilafranca marca que « La commune reconnaît que la langue et la culture occitanes sont des éléments déterminants du patrimoine artistique et culturel de Villefranche. La commune ayant une responsabilité concernant la promotion de ce patrimoine, reconnaît l'action de l'IEO dans ce domaine et se propose de lui apporter son soutien direct. »

Cal notar en setembre de 1982 la creacion de l'emission « Pels Camins del País ». Dempuèi 1990 cronica setmaniera « Actu Oc » sus « Le Villefranchois » (tirat a 10.000 exemplaris). En genièr de 2009 dubertura d'un cors de lenga (que dèu èsser desdoblat en setembre). Dempuèi 5 ans de rescontres occitano-breton

Activitats de musica (violon, acordeon) de cant a Vilafranca e a Morlhon. Collectatge amb la realizacion de doas mòstras « Acordeonistas del Vilafrancat » e « Ostals de vinhas dins lo Vilafrancat ».

Lo programa annual vira a l'entorn de las Setmanas Occitanas de febrèr e de la Serada Cabaret de novembre, de teatre a la prima amb Lo Trastet ongan e de musica a la davalada.

Dins lo rapòrt morau per 2009, l'associacion afirma qu'al nivèl local :

L'occitan dèu èsser pres en compte d'un biais global dins totes los projèctes (educacion, programacion culturala, comunicacion, torisme.....) e pas sonque del punt de vista del simple sosten associatiu.

Mesa en plaça del cors d'occitan ara cal veire cossí lo desdoblar. Plan bona participacion a las nòstras manifestacions. Rescontres Occitano-Breton siaguèt una capitada.

Recepcion dels bretons a la comuna : dèu aver una seguida.

Cal mercejar un còp de mai los benevòls e los que pòrtan lo projècte Occitano-Breton.

Cal salutar lo partenariat de l'IEO amb las associacions : CFM, l'AMTR, l'IOA, los Pastorels, l'ENMA Avairon, l'AMTP Carcin, Las Z'lgas, l'AVQR, Val Vacances (Haut de Najac). Projèctes amb Goûts et Saveurs.

Saludar l'acuèlh de las comunas de Complibat, Peirusa, La Bastida, Vilanòva, La Capèla Bleys.

Amb la comuna : - Accion positiva del referent a la cultura occitana (Butletin municipal, cors de lenga, salas)

- Ont ne sèm d'aquel projècte de comunicacion ? Quina plaça per l'Òc ?

- Sensibilizacion dins lo primari.

Botar en plaça las discussions amb la comunautat de las Comunas (4 listas èran d'acòrdi).

L'AGENDA

Lo 2 de mai, a Savardun(09) : Passejada istorico-botanica. 9H45 - Rendètz-vos sus la plaça als pòrcs, 10H00/12H00 - Visita guidada de la vila e del castèl en occitan, 12H30 - Repais tirat de la saqueta al bòrd d'Arièja, 14H00 - Partença de la passejada botanica pròche del pont gallés, (Rendètz-vos al parcatge de la plaça de las Nauzes). Organizat pel Cercle-IEO de Pàmias Prospèr Estieu, Contacte 05-61-69-60-96 o ieo09@club-internet.fr

Lo 4 de mai, a St Rémi de Montpeyroux: velhada a la montanha qu'animarem amb lo grop occitan de Santa Girvèva (Ste Geneviève sur Argence). Organizat pel Cercle occitan de Roèrgue-Naut ESPALIU, Contacte : 05-65-48-20-53/Mèl : gerard.ferrand4@wanadoo.fr

Del 4 al 29 de mai, a Albi, al Centre Occitan Rohegude, Mòstra: la crotz occitana. Organizat pel Cercle occitan de l'Albigés, contacte 05-63-46-21-43 o logrifol@yahoo.fr

Lo 7 de mai, a Mirabela (82) conferéncia sus la toponimia locau, de Paul Burgan, a 8 òras 30 deu ser a la mediatèca. Organizacion IEO 82, contacte 05 63 03 48 70. leo82@orange.fr

Los 8 e 9 de mai, a Limòtges, amfiteatre Blanqui (carrièra Longue-queue), Amassada generala extraordinària de l'IEO Nacional: tractarà de l'adopcion formala

dels estatuts de l'IEO, agradats pels servicis administratius del Ministèri de l'Interior.

Programa - Dissabte 8 de mai: 9 h 30 Arcuèlh. 10 h 00 Rapòrt morau. Rapòrt d'activitat. Rapòrt financièr. 12 h 00 AG extraordinària Adopcion formau deus estatuts ja votats e agradats pels servicis del Ministèri de l'Interior. 12 h 30 Repaish. 14 h 00 Debat sus l'organizacion de l'IEO segon los tèxtes d'orientacion redigits : Melhorar la coesion de la federacion IEO : carta federativa de l'IEO, estructuracion de l'accion reivindicativa au nivèu locau, desvolopament de projèctes armonizats portats per l'IEO coma operator lingüistic e culturau : Corses per adults, labèl Òc per l'Occitan, toponimia e senhalizacion bilingüa. 16 h 00 Pausa. 16 h 30 Projèccion deu film comandat per l'IEO a Amic Bedel sus la transmission familiar de l'occitan : partida 1. Seguida deus debats. Film sus la transmission familiar : partida 2. 19 h 30 Sopar. 21 h 00 Debat : tematica « politica lingüistica regionau e interregionau » dab elegits de la Region Lemosin, Mieidia-Pirenèus, Aquitània e Auvèrnhe, Peitau-Charanta.

- Dimenge 9 de mai 9 h 00 Debats. 11 h 00 Vòte de las mocions e de las orientacions de l'associacion per l'annada 2010. 13 h 00 Dinnar. Fin de l'AG. Contacte 05-34-44-97-11 o direction@ieo-oc.org

Lo 8 de mai, a Montredon Labessonnié (Sala Polivalenta) rescontre de teatre amator occitan : Organizador Les Baladins de Fournials en partenariat amb l'IEO-Tarn. Contacte 05-63-46-21-43 o logrifol@yahoo.fr

Baladins des Fournials

8 mai 2010
Teatre en occitan!!

Tresen rescontre de teatre occitan de Tarn

prètz : 8€

14h : Lous del Ganoubre : Noailhac
« Un a set e l'autra beu »

15h : Sant Salvador : Villeneuve /Vère
« La canha e los coberlos »

16h30 : Les Baladins des Fournials :
Montredon Labessonnié
« La beleta que monta »

21h : Atelier 81 : Lavour
« Peta bolega »

Exposition : « La crotz occitana »
du 3 mai au 15 mai 2010
à l'Office du Tourisme du Pays Montredonnais

Infos :
05-63-46-21-43 logrifol@wanadoo.fr : IEO Tarn
05-63-70-52-91: Office du Tourisme du Pays Montredonnais

Imprimé par nos soins. Ne pas jeter sur la voie publique.

Lo 30 de mai, Passejada al país de Joan BODON, organizat per l'IEO-Avairon, Contacte 05 65 68 18 75 o ccor.ieo@orange.fr

Lo 30 de mai, a Sais, Animacion amb lo grop BCBG a l'escasença de la Setmana de la Natura. Partenaris : Centre Occitan del País Castrés/IEO Tarn, contacte 05 63 72 40 61 o azalais@wanadoo.fr

Lo 1^{er} de junh, COR Mòstra : « tecnica de construccion de l'Edat Mejana », per Pascal Waringo. Organizat pel Cercle occitan de l'Albigés, contacte 05-63-46-21-43 o logrifol@yahoo.fr

Lo 5 de junh, lo Cailar, Prèmis del concors d'escritura. Organizat pel Cercle occitan de l'Albigés, l'IEO Tarn e la Conservacion del patrimòni. Contacte 05-63-46-21-43 o logrifol@yahoo.fr

Lo 6 de junh, Passejada "Dans la Forêt de Montagnole" (81) amb Ives Carrière. Nombre de plaças limitat, se cal marcar abans lo 29 de mai. Contacte: Centre Occitan del País Castrés al 05 63 72 40 61 o azalais@wanadoo.fr

Lo 6 de junh, Val de Vaur (81), Passejada. Organizat pel Cercle occitan de l'Albigés, contacte 05-63-46-21-43 o logrifol@yahoo.fr

Lo 8 de junh, a Rodés (Ostal del patrimòni, plaça Fòch), Serada « A la descobèrta d'una òbra ». Serada organizada per l'IEO e lo CCOR a l'entorn de "Jaufré", roman occitan del sègle XIII, a partir del libre recentament publicat : "Las aventuras del cavalièr Jaufré" – Dètz tròces causits revirats en occitan

modèrn - Sergi Carles, Clara Toreilles, Edicion trilingüa Occitan - Catalan - Francés, SCEREN / CRDP Montpelhièr - Setembre 2009. Dubèrt a totes e a gratis. Contacte : 06-62-67-28-03 o ccor.ieu@orange.fr

Lo 13 de junh, a Montalban, Passejada toponimica peu quartier deu Fau animada peu Paul Burgan. Rendetz-vs a 15 òras a l'escòla deu Fau, organizacion IEO 82, contacte 05 63 03 48 70 o ieu82@orange.fr

Lo 18 de junh, a Tolosa (Ostal d'Occitània, 11 carrièra Malcosinat), presentacion dels metòdes interactius de lenga « EuroTalk »: aprendissatge de l'occitan e aprendissatge d'autras lengas (anglés, breton, catalan, basque esperanto). Organizat per l'IEO-09 e l'IEO-MP, contacte 09 60 06 62 08 o ieom-pireneus@ieu-oc.org

Lo 19 de junh, a Albi vièlh, Cant e musica. Organizat pel Cercle occitan de l'Albigés, « Cœur de cité Albi » e « los Sonaires d'òc ». Contacte 05-63-46-21-43 o logrifol@yahoo.fr

Lo 19 de junh, a Albi, Plaça Santa Ceselha : Joanada a Albi amb Los Sonaires d'Oc e Bric a Drac. Organizat pel Cercle occitan de l'Albigés e la Comuna d'Albi, contacte 05-63-46-21-43 o logrifol@yahoo.fr

Lo 20 de junh, a Bormiquel (82), signatura deu diccionari toponimic e lectura de tèxtes en occitan per Paul Burgan. Organiza-

cion IEO 82, contacte 05 63 03 48 70 o ieu82@orange.fr

Lo 22 de junh a Espaliu, velhada sul tèma dels mestiers e del trabalh qu'animarem amb l'IEO de Rodés. Organizat pel Cercle occitan de Roèrgue-Naut ESPALIU. Contacte : 05-65-48-20-53/Mèl : gerard.ferrand4@wanadoo.fr

Lo 22 de junh a Castras Joanada : Lo Centre Occitan del País Castrés organizarà en collaboracion amb la parròquia Saint-Jean Saint-Louis, pel desen an consecutiu, una granda celèbra a l'escasença de la Saint-Jean, lo dimars 22 de junh de 2010 en serada. Aquela fèsta, animada pel grop occitan *Zinga-Zanga*, consistirà en un "passa-carrièra" musical dins las carrièras de Castras, seguit del fuòc de la Saint-Jean e d'un balèti occitan a gratis, plaça del Albinque.

Cita al Albinque dempuèi 20h30 amb lo grop occitan *Zinga-Zanga* pel "passa-carrièra" en musica dins lo centre vila de Castras al son del graile (oboè dels Monts de Lacaune), de la craba (gaita de la Montanha Noire) e d'autres instruments.

Una ora mai tard, tornada plaça del Albinque, per l'embrasament de la foguera. Après, jol mercat, tot lo mond poirà dançar: pòlcas, rondós, de masurcas, baras la farandola..., A l'escasença del balèti a gratis animat per *Zinga-Zanga* : convivialitat, bona umor segur; qu'un se o sone!

Programa de la serada : 20h30: Sortida del «passa-carrièra», plaça del Albinque, amb *Zinga-Zanga*. 21h45 : Fuòc de la Saint-Jean.

22h15 : Balèti occitan a gratis amb *Zinga-Zanga*, organizat pel Centre Occitan del País Castrés, contacte 05 63 72 40 61 o azalais@wanadoo.fr

Lo 26 de junh a Carbona : "L'Occitanada de Carbona": a comptar de 10 oras deu matin practica de dança/ 11 oras deu matin passa-carrièra dab lo conservatòri occitan/ 2 oras deu vèspre practica d'acordeon e violon (totes los musicaires amators que son plan venguts/4 oras deu vèspre Contes (entaus petits e grands dab Pierre Ricard e bal entaus mainats dab Folc é Pic(a gratis)/ 6 oras 30 aperitiu-bal a gratis/minjadís sus plaça/ 9 oras dinc au petit matin bal tradicionau dab Folc è Pic e Eths Tchòts. organizat peu Cercle occitan de Carbona, contacte au 05 61 97 35 04 o logrifol@yahoo.fr

Lo 26 de junh, a Pàmias Fèsta occitana d'Estiu, pre-programa, 11h30 : Aperitiu seguit d'un repais, 14h00 : Dictada occitana per totes, 15h30 : Animacion amb la Calandreta del País de Pàmias e projeccion del filme En viatge, 16h30 : presentacion d'instruments de musica, 17h30 : Remesa dels prèmis de la dictada. Organizat pel Cercle occitan-IEO de Pàmias e la Calandreta del País de Pàmias, contacte : 05.61.69.60.96 o ostaloc09@club-internet.fr

Lo 1^{er} de julhet, a Albi, Centre Occitan Rochegude, Mòstra Barrulatge. Organizat pel Cercle occitan de l'Albigés, contacte 05-63-46-21-43 o logrifol@yahoo.fr

Lo 1^{er} de julhet, Centre Occitan Rochegude : Musica e cant, organizat pel Cercle occitan de l'Albigés, contacte 05-63-46-21-43 o logrifol@yahoo.fr

Lo 3 de julhet, a Sant Martin lo Redon, signatura de la convencion amb Television Sens Frontièra Network. Organizat per l'IEO d'Òlt, contacte 05-65-24-62-82 o logrifol@yahoo.fr

Del 4 de julhet fins al 30 de setembre, a Castras (al local del Centre Occitan). Mòstra de pinturas sul caval, de Cathy Llorca. Dintrada liura. Organizat pel Centre Occitan del País Castrés, contacte 05 63 72 40 61 o azalais@wanadoo.fr

Los 16, 17 e 18 de julhet a Castras e Masamet, Festenal Camin de crabas. Partenaris : Centre Occitan del País Castrés/IEO-Tarn contacte 05 63 72 40 61 o azalais@wanadoo.fr

Los 16, 17, 18 e 19 d'agost a Rodés au licèu Louis Querbes (ancian CEDEC, 29, car. Maurice Bompard): Estagi de dança e musica tradicionals. Animators : Bernard ANDURAND - Josiane ENJELVIN, assistidas de Ouali BENHADJI acompanyat a la cabreta per Christophe BURG, Cedric BACHELERIE al talhièr de cabreta, Marius LUTGERINK al talhièr de fabricacion d'ancas, Jean Claude RIEU al talhièr d'acordeon cromatic, Yannick DELCLAUX al talhièr d'acordeon diatonic. Contacte 05-65-68-18-75 o ccor.ieo@orange.fr

Lo 20 de julhet a Castras, Animacion amb lo grop BCBG a l'escasença del 20^{en} anniversari del « Coche d'Eau ». Partenaris : Centre Occitan del País Castrés/IEO-Tarn, contacte 05 63 72 40 61 o azalais@wanadoo.fr

Lo 22 de julhet a Guchen (65), concèrt, film, projeccion e debat sur la collecta de la memòria oral. Organizat per l'IEO-65, contacte 05 62 93 04 65 o ieo65@wanadoo.fr

Los 24 e 25 de julhet al Rialet, Festenal Camin de crabas. Partenaris : Centre Occitan del País Castrés/IEO-Tarn e Association RIAL'& Cie. Contacte 05 63 72 40 61 o azalais@wanadoo.fr

Lo 24 de julhet a l'entorn de Foish, Caminada en occitan a l'escasença del festenal Trad'Estiu. Caminada en companhiá del contaire Pierre RICARD. Organizat per Cercle occitan-IEO Pèire Lagarda de Foish. Contacte 05-61-01-13-10/ 06-84-99-85-16 o cercleoc@orange.fr

Agost, animacions al vièlh Albi. Organizat pel Cercle occitan de l'Albigés. Contacte : 05-63-46-21-43 o logrifol@yahoo.fr

Divendres 20 d'agost a 9 oras del ser a Espaliu (a la glèisa de Persa), concèrt "cançons e musicas tradicionals de Roèrgue" amb Michel Lacombe. Organizat pel Cercle occitan de Roèrgue-Naut ESPALIU.

Contacte : 05-65-48-20-53/Mèl : gerard.ferrand4@wanadoo.fr


Lo 28 d'aost, a Sant Antòni (82) conferéncia sus la toponimia locau de Paul Burgan, a 4 òras deu vespre a la mediatèca. Organizacion IEO 82, contacte 05 63 03 48 70 o ieo82@orange.fr

Lo 28 de seteme, a la francesa (82) conferéncia sus la toponimia locau de Paul Burgan, a 5 òras deu vespre a la mediatèca. Organizacion IEO 82, contacte 05 63 03 48 70 o ieo82@yahoo.fr

Lo 30 de seteme, a la Negrepe-lissa (82) conferéncia sus la toponimia locau de Paul Burgan, a 8 òras 30 deu ser a la mediatèca. Organizacion IEO 82, contacte 05 63 03 48 70 o ieo82@orange.fr

Lo 11 de setembre a Estanh, participacion a la jornada occitana de las Medievalas d'Estanh amb passejada, messa en occitan, lectures de tèxtes sul camin de la passejada. Organizat pel Cercle occitan de Roèrgue-Naut ESPALIU. Contacte : 05-65-48-20-53/
Mèl: gerard.ferrand4@wanadoo.fr

lo 18 de setembre, a Praissac, Òlt : OMENATGE A MARCÈU ESQUIEU –



Matin (10 oras) : L'ACCION I/ Accion pedagogica : -testimoniatge (JpTardiu e M Lafarga) - Cançon II/ Escòla occitana d'estiu : -la genèsi (A. Lagarda) - la debuta (J.Rigosta, C.Rapin) - l'Istoric (Berge) - Cançon III/ Edicion : - cercle occitan del licèu G L ,Forra Borra, EOE - tièra dels títols publicats -exposicion de libres e de la BD - Cançon IV/ Prèmi Paul Froment : - creacion (Philippe Carbone)- tièra dels primats - testimoniatge d'un d'elles - Cançon Dinnar (12 oras) - Vesprada (14 oras) : L'ÒBRA V/ Autor de contes : Patric Delmas VI/ Contaire e òme d'espectacle : Marcèu e Teresa VII/ Estudis diversès : Jansemin – Froment- Cançon VIII/ Reviradas : tièra d'aquel trabalh - Cançon IX/ Autor de cançons: - Cançon X/ Òbra de pròsa : catalòg - lectura de qualques textes XI/ Òbra poètica : catalòg - lectura de qualques poèmas XII/ Òbra teatrala : catalòg - lectura de qualques scènas de diversas òbras - Sopar (19 oras).

21 oras: L'ARISTOFANADA Teatre de la Rampa.



Las conferéncias se debanan a la sala del cinemà « Louis Malle » Lo dinnar, lo sopar e l'espectacle de la Rampa a la sala de las fèstas « Maurice Faure ». Se pòt dormir al VVF de Praissac : 05 65 22 41 98 o a Odalys : 05 65 36 23 41 o a l'ostalariá. Organizat per l'IEO d'Òlt, contacte 05-65-24-62-82 o jofreru-del1@live.fr

Pretz :
las conferéncias del las conferéncias de la vesprada : a gratis
lo dinnar : 15 € per persona
lo sopar 15 € per persona
l'espectacle de la Rampa : 10 € per persona.

Los contactes de las Seccions e Cercles de l'IEO Miègjorn-Pirenèus

ARIÈJA

**Seccion departamentala
e Cercle Occitan de Pàmias :**

Local : Prospèr Estieu Pamiers

Contacte : Hélène Laffont

Adreça : 93 rue Major 09100 Pamiers

Tel : 05-61-69-60-96/Mèl : ieo09@ieo-oc.org

Cercle local de L'Avelhanet :

President : Jean-Claude OURADOU

Tel : 05.61.03.10.29 (dom)/mèl : ieo.delpaisdolmes@orange.fr

Cercle local de Foish :

Cercle local de Foish : adreça locala :

Foyer Léo Lagrange 16 rue Noël-Pierre Vidal 09000 Foix

Presidenta : ORAIN Claudine,

Tel : 05-61-01-13-10/ 06-84-99-85-16/ Mèl : cercleoc@orange.fr

AVAIRON

**Seccion departamentala
e Centre Cultural Occitan de
Roèrgue :**

Local : Ostal del patrimòni

Contacte : Brigitte Médard

Adreça : Place Foch 12000 Rodez

Tel : 05-65-68-18-75/ Mèl : ieo12@ieo-oc.org

Cercle local d'Espalion :

President : Gérard FERRAND,

Tel : 05-65-48-20-53/Mèl : gerard.ferrand4@wanadoo.fr

**Cercle occitan deu vilafran-
cat**

President : Jacki TEN,

Tel : 05-65-45-56-04, Mèl : jaconet.oc@wanadoo.fr

GARONA-NAUTA

Seccion departamentala

Local : IEO 31

Contacte : Corinne Michelot- Gaëlle Pujol

Adreça : Ostal d'Occitània, 11 rue Malcousinat 31000 Toulouse

Tel : 05-61-11-24-87/ Mèl : ieo31@ieo31.com

Cercle local de Legavin

Ostau de la Sava al Toch : 96 avenue de Gascogne, 31490 Leguevin

Tel : 05-61-86-70-20

Mail : ostausavatoch@orange.fr

Cercle local de Carbona

President : Michel Pezé,

Tel : 05 61 97 35 04

Mèl : michel.peze0456@wanadoo.fr

GÈRS

Seccion departamentala

Contacte : Georges NOSELLA

Adreça : 5 rue Lamartine 32000 Auch

Tel : 05-62-61-88-08/Mèl : naveras.d-aci@wanadoo.fr

Cercle local de L'Isla de Baish, Carnaval Gascon

President Yves SENECAI,

Tel : 05-62-07-14-94/ Mèl : carnavalgascon@orange.fr

ÒLT

PIRENÈUS-NAUTS

President : Roger LASSAQUE,

Tel : 05-65-24-62-82/Portable : 06-81-28-62-97/Mèl : rlasaca@aceoc.org

Local : Nosaús de Bigòrra

Adreça : Mairie, place du Padouen 65350 Bouilh-Péreuilh

Tel : 05-62-93-04-65/Mèl : ieo65@ieo-oc.org

TARN

Seccion departamentala :

Local : IEO Tarn

Adreça : 3 rue de la Torque 81120 Réalmont

Tel : 05-63-79-06-67/Mèl : ieo81@ieo-oc.org

Centre Cultural Occitan d'Albi- gès

Local : Lo Grifol

Contacte : Nathalie Magne

Adreça : 28, carrièra Rochegude, 81000Albi

Tel : 05-63-46-21-43/Mèl : logrifol@wanadoo.fr

Centre Occitan del País Castrés :

Local : Azalais

Contacte : Isabelle Còsta

Adreça : 6 rue du Consulat 81100 Castres

Tel : 05-63-72-40-61/ Mèl : azalais@wanadoo.fr

Cercle local de Caramauç :

Presidenta : Marie-France RAVAILLE-BROUARDELLE,

Tel : 05-63-76-21-10/ Portable : 06-81-17-06-22/

Mèl : danielbrouardelle@wanadoo.fr

TARN E GARONA

Local : Antonin Perbosc

Contacte : Martine Serres

Adreça : 307 avenguda de Montech 82000 Montauban

Tel : 05-63-03-48-70/ Mail : ieo82@ieo-oc.org

IEO NACIONAL

Local :

Contacte : Cathy Lacroix, Adreça : Ostal d'Occitània,

11 rue Malcousinat 31000 Toulouse

Tel : 05-34-44-97-11/ Mèl : ieonacionau@hotmail.com

IEO MIÈGJORN-PIRENÈUS

Local :

Contacte : Sebastian Pugin, Ostal d'Occitània

11 rue Malcousinat 31000 Toulouse

Tel : 09.62.56.09.91/ 06-82-23-44-55/ Mèl : ieom-pireneus@ieo-oc.org

Las emissions de ràdio.

IEO ARIÈJA

- De còr e d'òc, sus "*Radio Transparence Foix*", cronica quotidianas cortas, difusadas tres còps per dia : 8 h 15, 12 h 00, 14 h 30.

Cercle occitan deu vilafrancat

- Las passejadas occitanas, sus CFM, cada dijaus e dimenge (lhevà a l'estiu).

Cercle local de Carbona

- Escotatz, sus "*Radio Galaxie*", cada dissabte a 10 oras deu matin, e cada di me cres redifusion. Escotatz, seguida de l'actualitat institucionala cada dissabte, seguida de l'Actualitat culturala (tot açà per les be nevòls dèu cercle).

Cercle local de Legavin

- Occitania, sus « *radio de la Save* » Emission mesadièra, difusida 4 còps per mes.

IEO GÈRS

- Participacion mensual a las devisadas, au parrat de "las matiadas" de Ràdio País, de 7 oras a 10 oras deu matin, <http://www.radio-pais.com/>

IEO Centre Cultural Occitan d'Albigés

- Participacion a las emissions següents sus "*Radio Albigés*":
 - « **Setman'òc** » : lo matin a 8 e mièja e lo repic a 15 e mièja
 - « **Bal Occitan** » : dimars a 10 o 30, e represa a 17 oras, dijòus 19o30, dissabte 20 oras
 - « **Tròç de Lengua** » : diluns, dimècres, divendres a 9 oras, dimars, dijòus, dissabte a 2 oras, dimenge a 9 oras, mièjorn e mièg, e 4 o30
 - « **Un còp parlèron** » : dimècres 10 oras 30, divendres 19 oras 30
 - Dans l'air du Temps** » : dimars 11 oras, divendres 14 oras, dimenge 7 oras 30<http://www.radioalbiges@wanadoo.fr>

IEO TARN E GARONA

- Aquí va plan, sus "*Radio Association*", cada divés de mieidia a 13 oras,

Los sitis internet.

www.ieo12.org

Lo siti de l'IEO d'Avairon:

- Activitats,
- Presentacion
- Diccioniari de Cantalansa
- Ressorças

www.ieo31.net

Lo siti de l'IEO 31:

- Actualitat
- Eveniments
- Cors d'Occitan
- l'IEO 31
- l'Occitan

www.ieo65.com

Lo siti de l'IEO 65:

- Arcuelh
- Ligams
- Actualitats
- Galeria de fotòs e restitucions de collectatges
- l'IEO 65
- Agenda
- Edicion IEO

<http://ieo-oc.org>,

Lo siti de l'IEO:

- Presentacion
- Sectors e associacions afiliadas
- Edicions IDECO
- Administracion
- Adesions
- las seccions
- Anem Occitans
- contactes

www.paginas-occitanas.com

Lo siti de las Paginas Occitanas:

- Presentacion
- Trobar de libres en occitan
- Actualitats
- Ont aprene l'occitan ?
- Un servici dins la lenga

<http://aprenemloccitan.free.fr>

Lo Siti d'aprenem l'Occitan:

- Actualitats
- Paca
- Lengadòc
- Mieidia-Pirenèus
- Aquitània
- Nòrd-Occitània